

卷一〇四六〇 禮字

卷一〇四八三 禮字

卷一〇四八四 禮字

永樂大典

永樂大典卷之一萬四百六十

四濟

禮

周禮

賈公彥序夫天育蒸民無主則亂立君治亂事資賢天文以
皇地皇之日無事安民降自燧皇方有臣矣是以易春秋緯

云成位君臣道生君有五期輔有三名註云三名公卿大夫又云燧皇始
出握機矩表計實其刻日蒼牙通靈昌之成孔演命明道經註云拒燧皇
謂人皇在伏羲前風姓始王天下者斗機云所謂人皇九頭兄弟九人別
長九州者也是政教君臣起自人皇之世至伏羲因之故文耀鉤云伏羲
作易名官者也又按論語撰考云黃帝受地形象天文以制官伏羲已前
雖有三名未必具立官位至黃帝名位乃具是以春秋緯命曆序云有九
頭紀時有臣無官位尊卑之別燧皇伏羲既有官則其間九皇六十四民
有官明矣但無文字以知其官號也案左傳昭十七年云秋郟子來朝公
與之宴昭子問焉曰少皞氏鳥名官何故也杜氏註云少皞金天氏黃帝
之子己姓之祖也郟子曰吾祖也我知之昔者黃帝氏以雲紀故為雲師

而雲名。註云：黃帝軒轅氏，姬姓之祖也。黃帝受命有雲瑞，故以雲紀事。百官師長皆以雲為名號。縉雲氏，蓋其一官也。炎帝氏以火紀，故為火師。而火名。註云：炎帝神農氏，姜姓之祖也。亦有炎瑞，以火紀事。名百官也。共工氏以水紀，故為水師。而水名。註云：共工以諸侯霸有九州者，在神農前。大皞後，亦受水瑞，以水名官也。大皞氏以龍紀，故為龍師。而龍名。註云：大皞伏羲氏，風姓之祖也。有龍瑞，故以龍命官也。我高祖少皞摯之立也。鳳鳥適至，故紀於鳥。為鳥師。而鳥名。又云：鳳鳥氏，歷正之類。又以五鳥、五鳩、九扈、五雉，並為官長。亦皆有屬官。但無文以言之。若然，則自上以來，所云官者，皆是官長。故皆云師以目之。又云：自顓頊以來，不能紀遠，乃紀為近。是以少皞以前，天下之號象其德。百官之號象其微。顓頊以來，天下之號因其地。百官之號因其事。事即司徒司馬之類是也。若然，前少皞氏言祝鳩氏為司徒者，本名祝鳩，言司徒者，以後代官況之。自少皞以上，官數略如上說。顓頊及堯官數，雖無明說，可略而言之矣。案昭二十九年，魏獻子曰：社稷五祀，誰氏之？五官蔡墨對曰：少皞氏有四叔，曰重、曰該、曰脩、曰實。實能金、木及水，使重為勾芒，該為蓐收，脩及實為玄冥。世不失職，遂濟窮桑。此其三祀也。註云：窮桑，帝少皞之號也。顓頊氏有子曰黎，為祝融。共工氏

有子曰句龍為后土。此其二祀也。后土為社。稷田正也。有烈山氏之子曰柱。為稷。自夏以上祀之。周棄亦為稷。自商以來祀之。故外傳。犁為高辛氏之火正。此皆顓頊時之官也。案鄭語云。重犁為高辛氏火正。故堯典註。高辛氏之世。命重為南正司天。犁為火正司地。以高辛與顓頊相繼無隔。故重犁事顓頊。又事高辛。若稷契與禹事堯。又事舜。是以昭十七年服註。顓頊之下。云春官為木正。夏官為火正。秋官為金正。冬官為水正。中官為土正。高辛氏因之。故傳云。遂濟窮桑。窮桑。顓頊所居。是度顓頊至高辛也。若然。高辛時之官。唯有重犁。及春之木正之等。不見更有餘官也。至於堯舜官號稍改。楚語云。堯復育重犁之後。重犁之後。即羲和也。是以堯典云。乃命羲和。註云。高辛之世。命重為南正司天。犁為火正司地。堯育重犁之後。羲和氏之子。賢者使掌舊職。天地之官亦紀於近。命以民事。其時官名蓋曰稷司徒。是天官稷也。地官司徒也。又云。分命羲仲。申命羲叔。分命和仲。申命和叔。使分主四方。註。仲叔亦羲和之子。堯既分陰陽四時。又命四子為之官。掌四時者。字曰仲叔。則掌天地者。其曰伯乎。是有六官。案下驩。堯曰共工。註。共工。水官也。至下。舜求百揆。禹讓稷契暨咎繇。帝曰棄。黎民阻饑。汝后稷播時百谷。註。稷。棄也。初。堯天官為稷。又云。帝曰契。百姓不親。

汝作司徒。又云。帝曰。欲繇。汝作古。此三官是堯時事。舜因禹讓。述其前功。下文云。舜命伯夷為秩宗。舜時官也。以先後參之。唯無夏官之官。以餘官約之。夏傳云。司馬在前。又後代況之。則叢叔為夏官。是司馬也。故分命仲叔。註云。官名蓋春為秩宗。夏為司馬。秋為士。冬為共工。通稷與司徒。是六官之名見也。鄭玄分陰陽為四時者。非謂時無四時。官始分陰陽為四時。但分高辛時重黎之天地官。使兼主四時耳。而云仲叔。故云掌天地者。其曰伯乎。若然。堯典云。伯禹作司空。四時官不數之者。鄭玄初堯冬官為共工。舜舉禹治水。堯知其有聖德必成功。故改命司空。以官名寵異之。非常官也。至禹登百揆之任。捨司空之職。為共工與虞。故曰垂作共工。益作朕虞。是也。案堯典又云。帝曰。疇咨若時登庸。鄭註云。堯末時。羲和之子皆死。庶績多闕。而官廢。當此之時。驩兜共工。更相薦舉。下又云。帝曰。四岳湯湯洪水。有能俾乂。鄭云。四岳。四時之官。王四岳之事。始羲和之時。主四岳者。謂之四伯。至其死。分岳事置八伯。皆王官。其八伯唯驩兜共工。放齊。咎四。人而已。其餘四人。無文可知。案周官云。唐虞稽古。建官惟百。內有百揆。四岳。則四岳之外。更有百揆之官者。但堯初天官為稷。至堯試舜。天官之任。謂之百揆。舜即真之後。命禹為之。即天官也。案尚書傳云。惟元祀。巡狩四

岳八伯。註云。舜格文祖之年。堯始以義和為六卿。春夏秋冬者。并掌方岳之事。是為四岳。出則為伯。其後稍死。驩兜共工求代。乃置八伯。元祀者除堯喪。舜則真之年。九州言八伯者。據畿外八州。鄭玄畿內不置伯。卿遂之吏主之。祭明堂位云。有虞氏官五十。夏后氏官百。殷二百。周三百。鄭註云。有虞氏官蓋六十。夏百二十。殷二百四十。周三百六十。不得如此記也。晉義云。三公九卿二十七大夫八十一元士。鄭云。蓋夏制依此差限。故不從記文。但虞官六十。唐則未聞。堯舜道同。或皆六十。并屬官言之。則皆有百。故成王周官云。唐虞建官惟百也。若然。自高陽已前。官名略言於上。至於帝嚳官號略依高陽。不可具悉。其唐虞之官。惟四岳百揆與六卿。又堯典有典樂納言之職。至於餘官未聞其號。夏官百有二十。公卿大夫元士具列其數。殷官二百四十。雖未具顯。下曲禮云。六大五官六府六王之等。鄭皆云。設法至於屬官之號。亦蔑云焉。案昏義云。三公九卿者。六卿并三孤而言九。其三公又下兼六卿。故書傳云。司徒公。司馬公。司空公。各兼二卿。案顧命。太保領冢宰。畢公領司馬。毛公領司空。別有芮伯為司徒。彤伯為宗伯。衛侯為司寇。則周時三公各兼一卿之職。與古異矣。但周監二代。郁郁乎文。所以象天立官。而官益備。此即官號沿革。粗而言也。要義害各水。

龍馬師皆官長。顓頊至高辛。官名唯見重犁及木正等。堯舜時六官之名見。百揆四岳後又分八伯。三公兼卿。周與古異。孤并卿為九。

禮至幽王紛亂。孔子卒後又亂。漢儒禮學傳授。周官後出。唯劉歆識之。杜鄭賈傳之。鄭康成譏鄭衆賈遠之失。劉向父子並被命校書。而歆奏七略。鄭衛賈馬皆作周禮解詁。尚書周官篇與周禮異。六官周

禮文物大全圖。天官冢宰冢宰大宰小宰宰夫宮正官伯膳夫庖人內饗

外饗亨人甸師獸人斂人鼈人腊人醫師食醫疾醫瘍醫獸醫酒正酒人

漿人凌人邊人醢人醢人鹽人冢人宮人掌舍幕人掌次大府王府內府

外府司會司書職內職歲職幣司裘掌皮內宰內小臣閹人寺人內豎九

嬪世婦女御女祝女史典婦功典絲典枲內司服縫人染人追師屨人夏

米地官司徒大司徒小司徒鄉師鄉老鄉大夫州長黨正族師閹胥比長

封人鼓人舞師牧人牛人充人載師閹師縣師遺人均人師氏保氏司諫

司敕調人媒人司市質人廩人胥師賈師司蠶司稽胥肆長泉府司門司

關掌節遂人遂師遂大夫縣正鄙師節長里宰鄰長旅師稍人委人土均

草人稻人土訓誦訓山虞林衡川衡澤虞迹人柝人角羽人掌葛掌染草

掌炭掌荼掌唇園人場人廩人舍人舍人司祿司稼春人鑄人橐人春官

宗伯。大宗伯。小宗伯。肆師。鬱人。嗇人。難人。司尊彝。司几筵。天府。典瑞。典命。司服。典祀。守祧。世婦。內宗。外宗。冢人。墓大夫。職喪。大司樂。樂師。大胥。小胥。大師。小師。瞽。朦。眡。聵。典同。磬師。鍾師。笙師。鐃師。鞀師。箛師。箏師。箜篌師。箛。章。鞀。鞀。鞀。氏。典庸。跪。司干。太卜。卜師。十人。龜人。董氏。占人。筮人。占夢。眡。大祝。小祝。喪祝。司祝。詛。祝。司巫。男巫。女巫。大史。小史。馮相氏。保章氏。內史。外史。御史。中車。典路。車僕。司常。都宗人。冢宗人。夏官。司馬。大司馬。小司馬。軍司馬。與司馬。行司馬。司勲。馬質。量人。小子。羊人。司燿。掌固。司險。掌疆。候人。環人。挈壺氏。射人。服不氏。射鳥氏。羅氏。掌畜。司士。諸子。司右。虎賁氏。旅賁氏。節婦氏。方相氏。大僕。小臣。祭僕。御僕。隸僕。弁師。司甲。司兵。司戈。盾。司弓。矢。繕人。蒙人。戎右。齊右。道右。大馭。戎僕。齊僕。道僕。田僕。馭。校人。趣馬。巫馬。牧師。廋人。圉師。圉人。職方氏。土方氏。懷方氏。合方氏。訓方氏。彤方氏。山師。川方。遠師。匡人。擇人。都司馬。秋官司寇。大司寇。小司寇。士師。鄉士。遂士。縣士。方士。訝士。朝士。司民。司刑。司刺。司約。司盟。職金。司厲。天官。司圉。掌囚。掌戮。司隸。罪隸。蠻隸。閩隸。夷隸。貉隸。布憲。禁殺戮。禁暴氏。野廬氏。蜡氏。雍氏。萍氏。司寤氏。司烜氏。條狼氏。脩閭氏。冥氏。庶氏。冗氏。萈氏。柞氏。薙氏。碧族氏。翦氏。赤友氏。蜎氏。壺涿氏。庭氏。街救氏。伊耆氏。大行人。小行人。司儀。行人。環

人。象胥掌客掌訝掌交掌察掌貨賄。朝大夫都則都士。冢士冬官考工記輪人與。人。輅氏。築氏。治氏。桃氏。鳧氏。巢氏。段氏。函人。鮑人。鞞人。韋氏。裘氏。鍾氏。筐人。幄氏。玉人。柳人。雕人。磬氏。矢人。陶人。旄人。梓人。盧人。匠人。車人。弓人。漢景帝時。河間獻王得左禮獻之。初獻王開獻書之路。時有李氏。上周官五篇。失事官一篇。乃求以千金。不得。取考工記以補之。伯璵外傳。天子六卿。傳曰。周公制禮設官分職。各有其屬。天子六卿。一卿之下。各統屬官六十。內外三百六十官也。象一朝之數。其下各有胥徒府史。此即庶人之在官者。天官處冢宰。注。冢。天也。今之尚書令。統百官。地官司徒。注。掌十二教。古者掌五教。主徒衆者也。春官宗伯。注。掌天地人神之禮。今之太常卿是也。夏官司馬。注。掌率九伐之法。又司爵祿。秋官司寇。注。法刑也。冬官司空。注。掌土地以居民也。古者六居。未有官室。其字從宀。又從冬。官也。壽翁復古編。六官。上古帝王之建官也。法天地四時以為名。名舉其官。

官治其事。無有廢曠不舉之處。誠以名正而言順。言順而事成也。故黃帝氏以雲紀。炎帝氏以火紀。共工氏以水紀。大皞氏以龍紀。少皞氏以鳳鳥適至。因紀於鳥。曰祝鳩氏司徒也。曰睢鳩氏司馬也。曰鴈鳩氏司空也。曰爽鳩氏司寇也。祝鳩。鴈也。能孝。故司徒主教民。睢鳩。王睢也。擊而有別。故司

馬主法制。鴈鳩鵲也。以其平均故司空主平水土。爽鳩鷹也。故司寇主治盜賊。此皆建官之本意。而自顓帝以來始為民師。而命以民事。於是六官之名立。而六官之事治。以舜命九官。而禹作司空。實平水土。契作司徒。敬敷五教。伯作秩宗。命典三禮。皋陶作士。惟明五刑。其餘則皆有職。此虞舜稽古建官之目。夏商因之。至於四官者。居六官之四。而他五官若虞若二。若樂若后稷若納言皆不專屬而隸于六官之一者。蓋周制也。周自成王歸于豐作周官。自三公三孤而下。六卿分職。各率其屬。若冢宰則主邦治。統百官均四海。司徒則掌邦教。敷五典。擾兆民。宗伯則掌邦禮。治人神和上下。司馬則掌邦政。統六師。平邦國。司寇則掌邦禁。詰姦慝。刑暴亂。司空則掌邦土。居四民。時地利。此周禮六官。凡即此而考。則其所隸可得而推矣。秦燔詩書禮經。尤被其毒。漢興傳禮者。有高堂生。魯徐生。徐生獨善為頌。不能通經。傳子至孫。皆以頌為禮官大夫。瑕丘蕭奮以禮至淮陽太守。東海人孟卿。事奮以授后倉。倉說禮數萬言。號曰后氏曲臺記。梁又有戴德戴聖等學。於是禮有大戴小戴。漢起禮學於亡逸者。董董如此。而今周禮所傳授。尚未聞其端。班固曰。孔子做周之禮。此禮所以必取於周。以為經者也。藝文志曰。周官經六篇。周官傳四篇。注言王莽時。劉歆置博士。

顏師古曰。亡其冬官。以考工記充之。至後漢時。河南緄氏杜子春之徒。稍相講授。然今六官。大抵皆紊亂。失其統紀。非先秦之舊。若制國用冢宰之職也。而後世雜之司徒。度地居民。與事任力。司空事也。而後世雜之司徒。蓋明白易見。可以考驗者。習其法而安之。亦以其傳譌之久故也。司徒氏掌教者也。而財賦則兼之。土地之事則隸之。無亦以其為地官。故凡土地之事。悉以屬焉。而財賦出於土地者也。亦從而屬之。名與事違。官與職戾。書得於流傳之久。事習於譌舛之餘。習者不察。而事亦以乖。國用制於冢宰。邦土掌於司空。皆有明證。不誣。而後世實淆亂其制。甚矣傳譌之移人也。質之以經。將有所是正焉。官正。而司空之篇可得而復。其所立夷而淵實者耶。天官之屬。大宰。小宰。宰夫。官正。官伯。膳夫。庖人。內饔。外饔。甸人。獸人。甸人。蠃人。腊人。醫師。食醫。疾醫。瘍醫。獸醫。酒正。酒人。漿人。凌人。遵人。醢人。醢人。鹽人。冪人。宮人。掌舍。冪人。掌次。太府。王府。內府。外府。司會。司書。職內。職歲。職幣。司裘。掌皮。內宰。內小臣。閹人。寺人。內奄。九嬪。世婦。女御。女祝。女史。典婦功。典絲。典枲。內司服。縫人。染人。追師。屨人。夏采。今編獸人。斂人。蠃人。獸人。右冬官之屬也。後人因膳夫庖人之屬。遂置之天官。非也。天官掌供王之膳羞。固也。而獸人。斂人。蠃人。則非所掌。至於獸醫。附列

於醫師。此凡不可者。按月令。季春之月。命司空曰。田獵且罝罾羅罝。罔畢翳鏹獸之樂。毋出九門。用是以知此四官屬司空無疑也。蓋九職。三曰虞衡。作山澤之材。四曰數牧。養蕃鳥獸。乃司空之職。則獸人獸醫。斂人斂人。不為天官屬亦明矣。月令雖非必聖人之書。或出於秦。亦去古未遠。有古之遺事焉。司裘染人。追師屨人。掌皮典絲典枲。右冬官之屬也。司空掌百工。凡此四者。工人之官。所以供王之服御。而掌皮典絲典枲。則備工之用。而典治絲枲。飾化八材之類是也。屬之司空曰宜官。凡十一。宜在司空。今存者六十有三。三為羨。去十有一焉。於是闕其八矣。八者。雖之春官見于後。

地官之屬。大司徒。小司徒。鄉師。鄉老。鄉大夫。州長。黨正。族師。閭胥。比長。封人。鼓人。舞師。牧人。牛人。充人。載師。縣師。遺人。均人。師氏。保氏。司諫。司救。調人。媒氏。司市。質人。廛人。胥師。賈師。司詭。司稽。肆長。泉府。司門。司關。掌節。遂人。遂師。遂大夫。縣正。鄙師。鄒長。里宰。鄰長。旅師。稍人。委人。土均。草人。稻人。土訓。誦訓。山虞。林衡。川衡。澤虞。迹人。巾人。角人。羽人。掌葛。掌染草。掌炭。掌荼。掌唇。園人。場人。廩人。舍人。倉人。司祿。司稼。春人。鑄人。橐人。凡二十八。今編鼓人舞師。右春官之屬也。論見前篇。封人。載師。閭師。縣師。均人。遂人。遂師。遂大夫。土均。草人。稻人。土訓。山虞。林衡。澤虞。巾人。角人。羽人。川衡。掌葛。

掌染草。圉人。場人。右冬官之屬也。司空掌邦土。居四民。時地利。則凡邦土事。與夫地利之宜。實職之。王制言。執度。度地。量地。制邑。民居必參相得。皆其義也。封人之封國造邑。載師之任地定征。閭師之任民。縣師之制域。均人之均力。路遂人之經田野。治溝洫。遂師之徵財。征作役事。遂大夫之修稼政。屬地。治土。均之。平地政。均地守。均地事。均地貢。草人掌土化之法。稻人掌水利之事。土訓之道。地圖。以詔地事。是皆度地制邑居民。而時其地利者。以類推之。是當屬之司空。而大司徒之教民。於此宜無預焉。以至山虞。澤虞。林衡。川衡之掌山澤。非人角人。羽人之蓄山澤之材。與夫圉人牧獸。場人之植果蓏。掌葛。掌染草。之時地利。其稽之於書。考之於禮。經質之於六典六職。證之於十有七官之義。則取而隸之司空。是則有據而非臆說。而求為異論者也。夫司徒以地名官。後之人不復考其義。姑以名近而取類焉。故司空水土之官。雜之為多。今區而別之。可以槩見矣。春官之屬。大宗伯。小宗伯。肆師。鬻人。甸人。雞人。司尊彝。司筮。凡天府典瑞。典命。司服。典祀。守祧。世婦。內宗。外宗。冢人。墓大夫。職喪。大司樂。樂師。大胥。小胥。大師。小師。瞽矇。眡瞻。典同。磬師。鍾師。笙師。鐃師。鞀師。箛師。箛章。鞀鞀。氏。典庸氏。司干。大卜。卜師。卜人。龜人。巫氏。占人。筮人。占夢。眡祿。大祝。小祝。

喪祝。旬祝。誼祝。司巫。男巫。女巫。巫。大史。小史。馮相氏。保章氏。內史。外史。御史。中車。典路。車僕。司常。都宗人。家宗人。凡七十。今編天府。世婦。內宗。外宗。大史。小史。內史。外史。御史。右天官之屬也。天府掌宗廟之守藏。凡國之玉鎮。大寶。毘藏焉。其與諸府宜在天官。況於藏官。府。鄉州。及都鄙之治。中以詔王。察群吏之治。此皆冢宰之事。非宗伯所宜職者。故天府宜在天府。若世婦。重出。則既論之矣。內宗。外宗。掌佐王后宗廟之祭祀。蓋婦官也。當與世婦。及女御。女祝之屬。屬天官。與宮正。宮伯。皆類也。不當在宗伯。至於大史。掌建邦之六典。以逆邦國之治。掌法以逆官府之治。掌則以逆都鄙之治。皆大宰之職焉。小史掌國之志。宜以類從。內史掌八務之法。以詔王治。外史掌書外令。御史掌邦國都鄙及萬民之治。今以贊冢宰。皆與太宰所掌相關。非宗伯所得兼也。太宰之官六十有三。其美者三。其去者八。若世婦。則複出。合之則一矣。今宗伯之不當屬者九。世婦之外則八焉。以之足天官之屬。學者較彼此而考之。當自見矣。典瑞。典同。中車。司常。家人。墓大夫。右司空之屬也。何以言之。百工之官。隸司空者也。若典瑞。典同。中車。與夫司常。皆治其器物。以備其用者也。治其器物。以備用。則是工之屬。其隸司空為宜。典瑞者。大槩與考工玉人之事相若。如四圭有邸。兩圭有邸。裸圭。

有瓚。又曰。璧羨以起度。皆玉人之制也。工在其間矣。典同者。掌六律六同之和。辨天地四方陰陽之聲。以爲樂器。以十二律爲之度數。以十二聲爲之齊量。此制樂器之工也。中車掌公車之政令。如曰王后之玉路。重翟。錫面朱總。厭翟。勒面繡總。安車。彫面鷩總。皆有容蓋。翟車具面組總。有握。夫曰錫面。曰勒面。曰彫面。曰具面。曰朱。曰繡。曰鷩。曰組。皆所以飾之者也。即造車之制備矣。至於司常字旗之物各有屬。以待國事。如日月爲常。交龍爲旂。通帛爲旟。雜帛爲物。熊虎爲旗。鳥隼爲旟。龜蛇爲旐。全羽爲旞。析羽爲旛。是九旗之制備矣。又曰。皆畫其象焉。官府各象其事。州里各象其名。家各象其號。蓋使之如其制。以爲此旗云爾。是豈非土人之事。而隸于司空者耶。成周建官。限於三百六十。其不以一工人專一官明矣。凡其器物。必須工爲之。而官掌之。即百工之事在其間矣。如典瑞。典同之類是也。必以一工爲一官。如今考工所載。則司空者。乃一大匠梓人之類耳。何以爲司空。若夫攻木。攻金。攻皮。設色。刮摩。搏埴之類。皆得命官。而凡職者。將不勝其繁。亦非聖人設官之意。而周之冗食者多矣。後世傳習之謬。謂司空之官主百工。而百工與居六職之一。周官之在者。之工人之事也。故斷斷以謂司空之篇俱亡。亦不復加考正於其中。嗟夫。此司空之篇所以亡。而

由漢以來莫之察者。失於不思聖人設官之意歟。至於冢人墓大夫。則宜以土事屬者也。列之禮官濫矣。復古編下夏官之屬。犬司馬。小司馬。軍司馬。典司馬。行司馬。司熟馬。質量人。小子羊人。司燿掌固。司險掌疆。候人。環人。挈壺氏。射人。服不氏。射鳥氏。羅氏。掌畜司士。諸子司右。虎賁氏。旅賁氏。節服氏。方相氏。大僕小臣。祭僕。御僕。隸僕。弁師司甲司兵司戈盾司弓矢。繕人。橐人。戎右。齊右。道右。大駟戎僕。齊僕。道僕。田僕。馭夫。校人。趣馬。巫馬。牧師。廋人。圉師。職方氏。土方氏。懷方氏。合方氏。訓方氏。形方氏。山師。遷師。注人。憚人。都司馬。冢司馬。川師。凡六十九人。今編弁師司弓矢。橐人。右司空之屬。各以其工者也。弁師不當在司空。已無可疑者。蓋為冕弁以供王之服用者也。司弓矢。乃弓人為弓之事。故合九合七。皆有其制。橐人掌獻素獻成。宜以工屬司宰。愈益明白。謂其為兵而隸司馬。傳譌者也。職方氏。土方氏。形方氏。山師。川師。遷師。右司空之屬也。職方宜屬司空。既於司馬篇論之矣。土方氏。形方氏。宜以類從。山師。川師。遷師。皆是也。山虞。澤虞。林衡。即其僚耳。故不多論。秋官之屬。大司寇。小司寇。士師。鄉士。遂士。縣士。方士。訝人。朝士。司民。司刑。司刺。司約。司盟。職金。司厲。犬人。司圉。掌囚。掌戮。司隸。罪隸。蠻隸。閩隸。夷隸。貉隸。布憲禁。殺戮禁。暴氏。野廬氏。蜡氏。雍

氏。萍氏司寤氏。司烜氏。條狼氏。修閭氏。冥氏。庶氏。元氏。楚氏。柞氏。菲氏。磬
族。翦氏。赤髮氏。蠲氏。壺涿氏。庭氏。街枚氏。伊耆氏。大行人。小行人。司儀
行人。環人。象胥。掌客。掌訝。掌交。掌察。掌貨。賄朝大夫。都則都士。家士。凡六
十六。今編行人。小行人。司儀。行人。掌客。掌訝。掌交。環人。右宗伯之屬也。孔
子曰。行人子羽脩飾之。左傳曰。行人失辭。行人蓋言語之官。所以掌大賓
之禮。大客之儀。其為禮儀之官明矣。而與其徒司儀。行人。掌客。掌訝。掌交
等。俱列之司寇。何義。禮儀一事也。豈以司儀名官不在禮職。而在刑屬斷
可識矣。是當歸之宗伯。何疑之有。

總論葉時禮經會元。知有聖人之治法。當知有聖人之道法。離道於法。非
深於周禮者也。欲觀周禮。必先觀中庸。中庸曰。大哉聖人之道。洋洋乎發
育萬物。峻極于天。優優大哉。禮儀三百。威儀三千。待其人而後行。夫禮儀
三百。經禮也。說者謂周禮是也。威儀三千。曲禮也。說者謂儀禮是也。二書
皆周公所述也。中庸言聖道發育萬物。復歛而歸之。禮儀威儀之中。何哉。
蓋聖人之道。洋洋乎極於至大。而無外。優優乎入於至小。而無間。周公作
書。雖曰制度文為之所在。而聖人所以生物不窮。與天並立者。實出於其
中。是誠中而不偏之正道。庸而不易之正禮。不如是。烏足為生民立極為。